



Inatsisartuni ilaasortaq
Laura Táunâjik
Siumut

**Tasiilami mersortarfimmik Kalaallisuuliornermik Ilinniarfittut ittumik
assigisaanilluunniit pilersitsisoqarsinnaaneranut tunngatillugu § 37 naapertorlugu
apeqqutit akineqarnerat**

24-05-2016
Suliap nr. 2016-8231
All. Nr. 2805722

Asasarput Inatsisartuni ilaasortaq Laura Táunâjik.

Postboks 1029
3900 Nuuk
Oqarasuaat: +299 34 50 00
Allak.: +299 32 20 73
Email: ikiin@nanoq.gl
www.nanoq.gl

Tasiilami mersortarfimmik Kalaallisuuliornermik Ilinniarfittut ittumik
assigisaanilluunniit pilersitsisoqarsinnaaneranut tunngatillugu apeqqutigisannut
Naalakkersuisut qujapput. Naalakkersuisut sinnerlugit apeqqutigisatit
ataasinngorlugit akissuteqarfigissavakka.

Naalakkersuisunut apeqqutigisatit:

1. Tasiilami kalaallisuuliornermik Sisiumiunitut ittumik
ammaasoqarsinnaanera periarfissaqarpa?
2. Periarfissaqarnera uppersineqarpat, pilersaaruteqartoqarnissaa
siunniunneqarsimava?
3. Taamaappat qaqugu pilersaaruteqartoqarnissaa
naatsorsuutigineqarsinnaava?
4. Taamaangippat suut tunngaviuppat?

Akissutit

Naalakkersuisut ilinniartitaanernut pilersaarutaanni Tasiilami ilinniarfimmik
Sisiumiunitulli ittumik pilersitsisoqarnissaanik pilersaaruteqartoqanngilaq.

Sisiuminili Kalaallisuuliornermik Ilinniarfik aqqutigalugu kalaallisuuliornermut
pikkorissartitsinerit assigiinngitsut aallartisarnissaat periarfissaqarpoq.

Mersortarfiliortarnerit kommunit iluini nammineq suliassaapput.

Kommuneqarfik Sermersuup Kalaallisuuliornermik Ilinniarfik ikiortigalugu pikkorissartitsinernik aallartitsiniarnissamut ininik tulluurtunik pissarsiniarnissaa Naalakkersuisut kaammattuutiginnarsinnaavaat - matumani Tunumi ileqquusumik atisalersortarnerni ilinniartitsinissaq, Tasiilamilu suliffissaaleqisut ilaasa sulilersinnaanissaat anguniarlugit.

Sisimiuni ilinniarfik Tasiilami pikkorissartitsinernik aallartitseqqullugu Naalakkersuisut kaammattussavaat, aamma Tunumi kulturikkut kingorngussat ilisimasaqarfiginerulernissaat piginnarnissaallu siunertaralugu.

Naalakkersuisut periarfissaq manna iluatsillugu oqaatiginiarpaat Kalaallisuuliornermik Ilinniarfimmi brancheudvalgi qanittukkut ilinniartitaanermut pilersaarummik nutartikkamik Naalakkersuisoqarfimmut akuerisassamik nassiussaqaarsimammata - nutaatullu atisalersortarnermi immikkut ilinniagaqarnissamut pilersaarummik imalik - ilaatigullu Tunumiut ileqquusumik atisalersortarnerat.

Inussiarnersumik inuulluaqqusilluta

Nivi Olsen